



DAILY MEDIA MONITORING

15 AUGUST 2018



UNKSZ Lisa Mthethwa nodadewabo uNkK Lona Mnguni beFruttee Bellies abadle umhlanganiso emkhakheni wabashintsha imikhiqizo kulokho esuke itshalwe iyikho bayenze okunye, iTop Entrepreneur Processing, izolo eBallito izithombe: GCINA NDWALANE



UNKSZ Thobile Mpontshana weMampontshi Farming and Fencing odle umhlanganiso ngesikhathi uMnyango wezoLimo KwaZulu-Natal uklovelisa abesimame abavelele kwezoLimo

Ugoduke noR425 000 ewina kwezoLimo

PHILI MJOLI

UGODUKE noR425 000 owesifazane waseVryheid ongumlimi ophume phambili emncintiswaneni wokuchonywa uphapho kwabesifazane abenza kahle emkhakheni wezoLimo, iFemale Entrepreneur Awards

Lezi zindondo ezihlelwa uMnyango wezoLimo KwaZulu-Natal ubuseBallito, izolo. UNKsZ Thobile Mpontshane onepulazi lezingulube iMampontshi Farm and Fencing, akakhohlwanga ngesikhathi kumenyenzela ukuthi nguye obashaye bonke emakhanda ekubeni kade esewine iminxha emibili, okuwumunxa wabalimi abalimela ukudayisa iTop Entrepreneur Commercial athole kuwo uR125 000, umunxa okhethwa ungqongqoshe, iMEC's Special Award, athole kuwo uR50 000. Ngemuva kokuqhathwa nabo bonke abawine eminxha eyehlukene ude umhlanganiwo wabashaya bonke emakhanda wathola uR250 000.

UNKsZ Mpontshana oneziqo zezokuvakasha uthe washiya phansi umsebenzi endaweni yokulala eJozini ngemuva kokuthi inkampani eyayimqashile ithi izomehlisela umholo.

Ngabona ukuthi sekufana nokuhlala ekhaya ngashiya phansi. Ngaleso sikhathi nangishadile umyeni wami engumlimi. Le mali eyenza ngosuku, wangigqoguzela ukuthi nami ngingene kulo mkhakha kodwa ngangifuna ipulazi lezinkomo ngoba ekhaya bezifuyiwe," kusho yena.

Uqhube wathi akuhambanga ngendlela ayehlele ngayo, wathola ipulazi lezingulube ngo-2014, aliqashe eMnyangweni wezeMihlaba.

"Ngifunde ngendlela ngilekelelwa abantu engisebenza nabo ngolwazi. Mina bengilokhu ngifunda kancane kancane.

"Namanje ngisafunda kodwa engikufundile ukuthi izingulube zithanda ukuthandwa, uma ufika egoqweni lazo uyaxoxa nazo njengoba wenza ezinganeni zakho," ehleka.

UNKk Mpontshana udayisa izingulube ezingu-80 ezikhiqiza ubhekeni njalo ngesonto.

Unezinkomazi ezingu-220



nezinkunzi eziyisithupha.

UNGqongqoshe walo mnyango uMnuz Themba Mthembu uthe u-43% wabesifazane abayibambe ishisa emkhakheni wezoLimo emhlabeni, e-Afrika bawu-80% abasebenza kulo mkhakha, iningi labo ngabasemakhaya kodwa abanawo amandla okulawula umhlaba.

"Njengoba kade kunezigawu ezidingida udaba lokubuyiswa komhlaba ngaphandle kwesinxephezelu, bebeyingxenywe yazo kodwa emasimini ufica kuyibona abaningi," kusho yena.

UNKsZ Bhikisephi Xulu osebenza epulazini iChase Farm, eliseShowe ude umhlanganiso emunxeni iBest Farm Worker. UNKk Sizakele Zuma uwine emunxeni wabalimela ukudla iBest Subsistence Producer, emunxeni wabalimi abasafufusa, iTop Entrepreneur Small Holder kuwine iMagema Fruit and Vegetables Primary Co-op, kwiTop Entrepreneur Processing, kuwine, iFruttee Bellies esungulwe izelamani zamaMthethwa uNkK Lisa Mthethwa noNkK Lona Mnguni uMaMthethwa.

UNKsZ Mpontshana uzomela lesi sifundazwe emncintiswaneni ofanayo okuzobe kuqhathwe kuwo abesifazane